

四庫禁燬書叢刊編纂委員會

北京出版社

四庫禁燬書叢刊

四庫禁燬書叢刊編纂委員會

北京出版社

四庫禁燬書叢刊

史部第二六冊目次

五邊典則二十四卷(二)

〔明〕徐日久撰
舊鈔本

.....

五邊典則二十四卷(二)

〔明〕徐日久撰

舊鈔本

北京大學圖書館藏

五邊典則卷之七

信安徐日久子卿文集

勾餘施邦曜爾韜父

閻漳張

熒紹和父

全載

弘治十八年五月時正德初虜大舉入寇宣府營于牛心山黑柳林等處長闊二十餘里巡撫都御史李進總兵官都督僉事張俊初得諜報即議分兵禦之左叅將李稽軍新開口副總兵白玉軍萬全右衛遊擊將軍張雄軍新河口大同副總兵黃鎮遊擊將軍穆榮

軍柴溝等堡合萬五千人既而虜由新開口毀垣而入稽遽前迎敵玉鎮雄榮各率所部相拒于虞台嶺虜擁衆大至軍爲所誘不得應援俊率所部三千人援之至萬全右衛城東壁馬傷足以兵屬都指揮曹泰代援泰至鹿角山爲虜所圍俊力疾調監鎗內官李增等兵五千人持三日糧馳與虜戰乃解叅圍復進兵援鎮鎮得入俊營分遣部兵取路援稽等稽玉乘勢力戰亦潰圍而出與俊合

獨雄榮二營阻山澗援兵爲虜所扼不得前虜縱騎蹂躪二營雄榮遇害衆得脫者纔十二三諸軍被圍困六七日人馬饑乏俊等度力不能支收兵還虜躡其後且戰且行僅得入萬全右衛城進俊各告急

命兵部即議處以聞是役也官軍死者二千一百六十五人傷者一千一百五十六人失馬六千五百餘匹掠去婦女畜產器械不可勝計議者謂已巳年兵禍以後所未有也俊等

復奏虜衆日增恐兵力不支請發京軍策應上命都指揮陳雄張澄俱充右叅將各率京營兵二千人以往限一日啓行既而以守臣告急復

命都督李俊神英充叅將各領兵二千馳往援之人賞銀貳兩布貳疋時邊人傳虜至宣府城下出懷中餅及麻布冠示人曰此何物也蓋嘗有諜者來京知國有大喪因市餅與冠以去關禁之不嚴如此

庚戌

命太監苗達監督軍務保國公朱暉佩征虜將軍印充總兵官右都御史史琳提督軍務太監張林管理神鎗砲都督同知李俊都督僉事神英克左叅將都指揮同知陳雄都指揮僉事張澄克右叅將統領京營官軍往宣府征勦

命戶部左侍郎王儼兼都察院右僉都御史整理宣府糧草辛亥兵部以虜勢猖獗議上殺

賊賞格緣邊軍民舍餘斬虜首一級者給銀三十兩願陞者如例加陞民餘給冠帶名爲義勇復其徭役若糾集鄉丁斬首五級以上爲首者陞署所鎮撫其奪回被虜頭畜以十之四充賞事寧停止不爲例從之

太監苗達等奏參將李俊神英所領兵少乞益之兵部議宣府去京不遠宜待達等至彼量賊勢再請

上命益以六千通前爲二萬人令亟往應援復

諭兵部於團營簡兵二萬人令武定侯郭良懷寧侯孫應爵督操以待之將官有常經戰陣任兵事者仍訪舉三四備用旣而兵部疏左軍都督萬全都司都指揮使孫成綏衛同知劉釗西安衛署指揮同知馬隆可

上用仍

命博舉有勇畧者

六月兵部言宣府官軍與虜持久雖發京軍策應終不若土著之兵便於戰守請募土人

願報効驗其年籍人給銀三兩及馬匹器械編成隊伍與官軍協力殺賊有功照例陞賞事定歸農者聽其願留者寄名近衛月給糧一石老則除之

選保定河間達官軍舍一千二百人令指揮馮安領之赴邊聽都御史史琳等調用殺賊人賞銀二兩布二疋

七月都御史史琳奏宣大賊勢猖獗乞

勅兵部集

廷臣議處給事中尚衡亦言新開口之敗將官死者四十餘人虧折人馬甚衆參將李稽遊擊穆榮副總兵黃鎮白玉等深入窮追俱墮賊手以致虜益縱橫劫掠人畜如入無人之境言之可爲痛恨

朝廷命將出師復以保國公朱暉克總兵以都御史史琳爲總制此二人者嘗兩總宣府榆林兵事一無成功軍民聞今復用之皆有無人之歎况醜虜之謀之勢殊非昔日如架梁

哨高台營布陣皆効

甲國至如盧甲旗牌彼亦得諸搶奪而用之姦勢探訪又或過我軍之虛實強弱無有不先知者則彼暉琳之智勇亦有不必言矣乞早爲之所以絕方來之患俱下兵部會議以聞僉謂二鎮主兵幾八萬客兵餘三萬將領十四五人京營調遣者又六人若使監督提督總兵等官果能秉公仗義推誠調度未必不能効力而成功也於是仍

勅苗達等令用心調度相機戰守務圖成功

八月大同守臣奏北虜擁衆入寇四散無忌上以官軍不聞防禦

命所司看詳以聞兵部言據報虜賊拆牆攻壕及散漫屯駐者五十餘處追虜人畜蹂躪豆麥殺墩軍者二十餘處未報之數不知幾何其或數騎或數十騎初非衆寡不敵而我將士四集未聞有防禦截殺者後患可憂宜令巡按御史查明參奏仍令監督總兵提督官

令思蚤建殊勳不可自取顯戮報可

正德元年五月戶部議覆本部左侍郎王侃言邊務四一清邊地謂宣府平衍土地故屯田也景泰中被在京僧寺貪緣陳乞霸占爲莊者不下十餘處以致屯種失業邊餉匱乏宜行撫按等官覈實分給無屯軍人及新招土兵承種驗畝定賦徵收子粒庶屯額不失而邊儲有賴矣一計邊餉謂大同宣府二鎮城堡道理遠近不同折放官軍俸糧銀兩宜

區別定擬分爲等第如宣府北路獨召馬營
青泉雲州鎮安鎮寧等堡孤懸口外輸運頗
艱大同右衛霜旱地寒穀粟少生之所爲一
等每石不得過七錢四海冶赤城龍門鵬鵠
滴水崖金家庄并中路葛峪等堡西路萬全
左右懷安等衛沿邊洗馬林柴溝堡西陽河
大同左威遠平虜井坪懷仁等衛所并二鎮
會城陽和天城爲二等每石不得過六錢朔
州應州渾源山陰馬邑蔚州廣昌順聖川東

西二城保安懷來隆慶永寧爲三等每石不
得過五錢如遇年豐穀熟巡撫管糧官因時
酌量平準增減庶輕重不至無別而公私俱
得其平矣一處倉場謂大同威遠倉厥原數
少平虜及順聖川西城草場窄隘所積不多
天城草場岐爲二處且逼近居民難免意外
之患宜行二鎮管糧官踏勘從宜增展改移
及將天城草場併作一處以便護視或外築
夾牆一道以遠煙燬庶儲峙可多而外患可

免矣一遷站堡謂大同高山站堡傳報聲息
按伏軍馬實當驛路要衝之地但堡基下濕
潮鹵糧草損泄宜行鎮巡守等官酌量議處
卽爲度高燥善地修築城池起構倉場以儲
糧草庶邊軍遂安士之願而蓄免虧損之虞
矣

詔如議

八月巡撫大同都御史歐信奏大同各路十
六城堡每歲倉儲遇夏稅秋糧及屯田子粒

共四十二萬六千三百石軍馬歲用糧料乃
至八十五萬一千三百七十餘石而客兵不
與焉是歲用倍于歲入雖有年例京運銀五
萬兩除放支折俸所餘亦不足以補災傷減
免之數近者都御史關仲宇左侍郎王儼一
再召商其用銀一百六十七萬六千五百五
十兩有奇未及半年仍舊缺乏今銀億庫所
存僅有三萬三千二百餘兩矣乞預處四十
餘萬兩以備糴買之用戶部議如信言請以

山東河南二布政司收貯大同麥價及各處
上納陰陽醫學等官之銀初議轉送陝西者
及弘治十七年起運臨德二倉秋糧折銀之
未解者俱送大同備糴從之
六年十月虜寇宣府龍門所守備右監丞趙
瑛都指揮王繼戰死事聞兵部議以太監陳
貴都御史燕忠總兵劉淮遊擊將軍曰春叅
將詹晃等俱宜究治且請亟調大同禦之時
忠已陞代者趙瑛未赴得

五選集

卷七

七

旨貴淮忠且不究令督諸路兵防禦忠侯瑛代

方許離鎮瑛

贈太監

賜祭蔭弟姪一人爲錦衣衛世襲百戶繼

贈都指揮同知如例陞襲

八年正月虜擁衆侵大同三路圍副總兵神

周於草垛山兵部議虜勢猖獗請亟

命大同鎮巡官相機戰守宣府延綏山西諸鎮

巡各督發官軍互相應援宣府軍駐天城延

綏軍駐清營偏頭關軍駐朔州城仍選京營
官軍二萬人以待調遣從之

二月代王及大同鎮巡等官各奏虜擁衆聯
營意圖大舉乞早爲之所兵部議各鎮不相
統攝宜更設總制大臣又宣府兵數凡九千
人今調之河間大同及

京師允調者已七千本鎮所餘無幾乞發還允
調軍以助防守得

旨總制官不必設令鎮巡官互相應援允調軍

仍留之

四月兵部覆議大同山西宣府鎮巡等官各
奏虜衆臨境連月不退大同則欲徵調延宣
奇兵軍府則欲免調以備本鎮警急山西則
緩兵自衛互分彼此萬一債事咎將誰諉宜
令各鎮巡官協心共濟督發遊奇兵馬駐於
兩鎮折中地方酌量緩急互相應援仍令巡
視侍郎叢蘭都御史陳玉嚴督諸將用心防
守如有失悞令巡按御史舉劾從之

五月虜犯大同山白羊口入掠平虜井坪乾河等處圍總兵官葉椿潘浩于黃王嶺高山城俄解去遂趨朔州犯馬邑巡撫都御史高友璣奏言本鎮地方廣濶各衛所堪調馬隊官軍不滿三萬眾寡不敵乞增調奇遊兵分布按伏于天城陽和平虜威遠左衛等處城堡相機策應庶幾三路可守今延宣各稱有警不發奇兵又欲掣回遊兵事勢危迫乞勅兵部責令二鎮守臣無分彼此速行應援更

乞

命將出師以彰天討兵部議宣大二鎮爲

京師襟喉而與偏頭延綏境輔車相依奇遊兵馬專爲應援而設故一方有警諸鎮策應近因盜賊竊發延綏兵馬調征河南四川宣府兵馬先調一千戍河間又調三千入

京師故兵力寡弱不能相援爲今之計宜以停征四川兵守延綏其遊奇兵調于大同西路以京操兵守宣府其遊奇兵調于大同東路

以大同偏頭兵扼其中路仍令巡視提督官嚴備寧武鴈門倒馬紫荆等關如兵更不足量發各州縣民快義勇軍餘救援仍乞於團營總兵內

間命一人統率原選聽征官軍六千人分布截殺餘一萬四千人待報啓行

上命咸寧侯仇鉞充總兵官提督軍務統京營軍六千人往會各鎮巡官協同操守戶部議處糧餉以聞宣府免操軍畱不遣餘如議尋

命鉞掛征虜將軍印節制宣大山西延偏各鎮

巡以下所統官軍賞銀二兩給馬疋器械以

行

巡視侍郎叢蘭奏虜衆千騎次渾源又二萬騎由馬頭山復入大同境

詔以邊報日至不聞諸將領有防禦應援者下

巡按御史按之

山西鎮守太監孫清巡按御史周倫奏虜犯寧武倒馬等關兵力寡弱請增調延綏奇兵

及大同所調寧武延綏遊兵與宣府兌調官軍量還本鎮以濟危急兵部議覆寧武三關山西之捍蔽而大同三路又寧武之捍蔽也守大同則藩籬固而武寧亦安若專守寧武鴈門則撤其藩籬各關受敵而山西不可保矣請如初議分兵大同三路以保障山西而量移腹裏衛所守城軍快以戌寧武鎮巡等官慎小防而忘大慮宜令嚴督將領出兵截殺毋令虜騎深入有逗撓失事者必罪之報

可

六月晉王知烱奏虜數萬人寇偏頭入鴈門遂掠五台繁峙崞忻等處深入五百餘里爲害非細兵部議

詔促仇鉞等率兵赴之

八月總兵官戚寧侯仇鉞奏虜寇萬金衛沙河境同叅將昌佐副總兵陶杰遊擊張勳引兵會戰斬首三級獲馬十匹器械雜畜千計陣亡官員二十餘人馬百四十五匹奏至

詔賞鉞羊酒陣亡官軍兵部查實奏聞鉞在諸將中最號智勇所失亡十倍所獲乃以捷蒙賞議者惜之

九年六月宣府守臣奏達虜擁衆四萬入西海子剽掠兵部議令總制都御史叢蘭督鎮巡等官戰守并調大同遊奇兵駐近地應援仍選京營官軍二萬人以待遣從之

七月北虜小王子連營數十近宣大邊欲寇天城陽和又分遣萬騎入懷安總制都御史

叢蘭以聞

命太監張永總制提督宣府大同延綏等處軍務都督白玉掛印充總兵官與蘭協同行事發京營官軍二萬人以署都督僉事昌佐署都指揮姜義充左右叅將統之又發宣府京營諸軍凡六千二百四十人

命太監張忠監督而以都督溫恭充副總兵千總官湛臣宋斌充左右叅將統之俱聽永節制蘭居中調度各鎮巡等官協謀戰守仍調

延綏遊奇兵馬備大同偏頭關應援居庸紫荆等關并薊州密雲各提督鎮巡等官嚴兵防禦永因請凡軍前機務悉聽便宜從事違者先處以軍法然後奏聞且請給勘合三百道銀牌五百面綵段五百疋以賞有功皆許之

戊辰初虜自懷安寇順聖川遊擊將軍張勛守備田琦廉彪戰死御史于鏊劾奏總官兵劉淮副總兵陶杰無勇寡謀參將王忠胡昂

指揮余震劉璋不能防禦太監王剛都御史孟春素乏軍威請執淮等六人究治而罷剛春別選賢者以代兵部議御史言是但虜寇壓境急於用人臨敵易將兵家所忌宜宥之俟事寧議處從之

命撫寧侯朱麒守紫荆關寧晉伯劉岳守古北口崇信伯費柱守居庸關保定侯梁永福守倒馬關指揮使西寬守黃花鎮指揮同知福英守龍泉關時虜五大萬騎人自偏頭關寇

大同萬餘騎入自西陽河寇懷安等處總制鎮巡官咸奏兵持日久戰守不支於是兵部議賊去紫荆倒馬居庸等關不遠萬一乘虛深入貽患非細宜分兵防守乃發京營官軍紫荆古北各二千人倒馬居庸各千人龍泉黃花各五百人

勦麒麟等統之

賞從征宣大京營官軍二萬人及總督軍務太監張永太監張忠總兵官白玉副總兵溫

恭恭將昌佐姜義湛臣宋贊等名下參隨并京邊軍銀人二兩永等奏帶參隨多者四五百人少亦不下一二百人及因賞軍各為之請本兵司計者莫之敢違時邊鎮告急國用空虛兵未出京坐費已十萬矣

兵部奏連年將士失利虜必輕視謀為深入今得利於西竊恐誘及顏二衛夷人入寇京東不可無備且虜既東來則延綏官軍尚有添調請今延綏總兵官王勛以各城堡兵三

千人駐清水營爲偏頭及大同西路應援其先調遊奇兵合諸路官軍于大同東路防禦遼東遊擊將軍林唐以所部三千人駐山海關及永平地方合總兵陳鑑等兵聽調

詔可

八月虜寇白羊口及浮圖峪連營四十里

詔保定副總兵張勇遊擊將軍制寶馳往禦之鎮巡及防守官各戒嚴虜擁衆入寧武關忻州定襄等所在蹂躪殺守備指揮陳經軍民

死者相藉巡按御史李穩以聞因劾副總兵神周屢遭挫衄惟事蒙蔽請逮治并及太監孫清都御史王珣兵備副使張鳳翔守備指揮傅鐸等之罪

詔遣給事中一人會穩查勘周侯勘至奏處清等降

勅切責鐸等俱停俸仍

命總制提督官嚴督各鎮有警互相應援毋分彼此再誤事機

九月虜五萬餘騎自宣府萬全右衛新開口入喻懷安趨蔚州等處劫掠三萬餘騎入平虜城南都御史叢蘭總兵官白玉等領兵追擊潛使人於田間炊飯置藥其中如農家餽食者又置礮石火箭于陽和天城懷安諸險阨設伏以待虜至掠食田中多中毒及伏發死者甚衆凡斬首五十級奪回被虜男婦三入馬六十餘匹器械四千雜畜三千三百有餘捷聞

詔各賜

勅獎勵齋奏者陞賞如例其餘事情兵部議擬以聞

兵部奏宣大之捷有功及陣亡官軍并地方失誤事情宜行覈實虜既遠遁屯邊京軍數萬太監張永等奏帶頭目千餘宜酌量撤回原調沿邊防守官軍亦宜令各歸所部

詔有功及陣亡者紀功官驗實具奏失事者巡按御史會先差給事中併覈京邊允調官軍

宣府上班京營下班者俱還京其宣府下班京營上班者令張忠統領如前

旨聽調仍令張永等督各副參鎮巡等官用心防禦以安地方其官軍自京營調者及奏帶頭目酌量遣歸戍古北口者如故成紫荊關等處者悉罷之

山西巡撫都御史王珣等奏北虜深入三關乞發延綏兵捍禦兵部議令總制提督總兵等官酌處如三關警報不息即以副總兵神

周所部發回防禦若虜衆應調延綏兵亦聽其調發從之

十月治大同邊將失機罪八年三月十七日虜大舉入寇由減胡等墩日漸南掠遂攻朔州團馬邑掠東山等村殺虜居民孳畜甚衆總兵官潘浩守備劉職指揮徐緒鄭良威傑與戰多不利百戶姚鉞李寧等死馬大同總兵官葉椿遣都指揮鄭恭迎戰於馬石溝恭將谷孫指揮任璽王祥等戰虎兒山職及遊

擊將軍白春以衆二千餘人敗賊於天城衛春復戰鮑家屯守備陳恭戰新城堡孫及遊擊將軍朱振復與連戰賊乃退五月四日復以五千騎從八股泉入三千騎從靖虜墩入六千騎從鎮虜墩入五百騎從沙河堡入三萬騎從碌砣河墩入又三千騎從減胡墩入一萬騎從沙溝墩入來往石佛寺堡滑石嶺安邊墩至東山村諸處四散大掠越七日賊探知大同鎮兵馬至乃遁蓋殺虜居民三千

餘人所掠孳畜以數萬計巡視居庸等關都御史董蘭以聞

上命巡按御史于盤查勘整劾奏恭職重及守備都指揮郝鎮程鉞夏綱孫及參將林寬太監宋彬章忠奉御王哲監丞滿隆椿浩及巡撫都御史高友璣罪各有差事下兵部議覆以爲大同三路地方達賊蹂躪踐連冷旬日數百里煙火蕩然蓋數十年來未有受禍如此之慘者宜如鑒奏明治其罪於是都察院

前歲神周失利之後重以華椿之畏怯而反賊王良李悅之黨多投入虜中誘以爲寇則今之三關非復如昔宜特設總兵官一員假以鎮守山西兼總督三關之名仍在偏頭關駐劄遇有警報相機捍禦其三關軍士每增千人寧武以西山勢平坦宜修築墻堡及顏頭田結親非虜近頗駕鸞紫荊倒馬龍泉等關山路潛通亦所當慮且邊事重大因革多端非巡撫都御史一人所能幹理宜遣文職

大臣二員一提督三關一提督紫荆等關防守事宜悉以委之鎮巡等官俱聽節制上從之仍

命各鎮守總兵副參遊擊都司衛所官加意撫恤軍士貪婪侵漁者改調烟瘴地方帶俸差操應降級者如例子孫就所調地方襲替卽遇

赦不許還衛以示警

十年二月提督山西三關都御史陳天祥奏

復以

上命會議各官情罪輕重上請

詔以大同地方失事情重浩彬友璣姑免逮椿鉞令巡按御史遣人械繫來京送都察院審實周鎮令戴罪殺賊事完之日與寬隆哲及去任者具奏處之璵敵降二級恭一級都鎮奪俸半年綱及璽等俱奪俸三月失事稍輕者免究

勅左都督劉暉克總兵官鎮守山西地方兼提

督三關兵部侍郎陳玉兼都察院右僉都御史提督東西路左僉都御史陳天祥提督山西三關先是兵部言達賊屢犯宜大三關深入爲患今雖出境其謀叵測宜預爲之處上已勅都御史叢蘭王珣預爲經畧會邊臣來奏達賊後入忻州等處虜掠及朵顏等衛夷情變動欲行整兵截殺

上命廷臣會議三關前此雖時有侵犯然賴大同之威遠平虜地方屏蔽于外猶若腹裡自

鴈門寧武偏頭關舊有山隘峻險以扼北虜近因勢豪伐木居民開墾山坡漸成通衢易以衝突况朔州當寧武之衝其喇河堡喬家川舊無墩台烽堠虜得徑入且添設墩堠使聲勢相援其龍泉關迤南惡石口等地俱有徑路可通真定順德等處亦宜防禁兵部議令總制提督巡撫等官以時整飭從之

調大同衛指揮同知李勇于湖廣武昌衛先是勇父懷充遊兵千總以虞台嶺之敗降於

虜詭曰陣亡勇得襲職後懷數誘虜入寇軍中號曰猴兒李兵部請下各邊募能擒懷者且招懷許令投首調勇弁遷其家屬于南方若懷三年不歸則置勇於法以懲叛逆從之四月都御史陳天祥奏各邊閑禁例砍伐林木者治罪而未有開墾山場之禁以故姦豪往往懇田立莊道路日闊關險寢夷較之伐木為患尤甚乞一體重治給事中黃鍾亦言自渾源以西至鴈門寧武偏頭等關三四百

里皆為禁山蓋借林木以資形勢邇年規利之徒斬伐平曠致使盜賊逃竄姦細出沒邊關失險夷狄乘便俱下兵部議謂此弊不獨三關為然紫荆倒馬居庸龍泉等關亦有之達虜深入實由於此宜令提督都御史及各鎮巡官嚴加禁約凡墾禁山毀關隘者悉以砍伐林木例治之遇赦不宥報可

設守禦千戶二所於聚落高山堡先是虜入寇常發兵於二堡按伏然兵至寇輒退既回則寇復至都御史叢蘭因請各設千戶所駐兵防守下

廷臣會議會以為宜令於大同鎮城分撥官軍於二堡益以見募軍人百三十人分隸之每堡各委指揮一人管操領守聽東中二路參將節制其官廨營房倉廩地土鎮巡官勘酌計處以聞從之

十一年七月虜寇白羊口等處

命左都督劉暉仍充總兵官太監張忠監督軍務參將桂勇賈鑑各領西官廳聽征官軍即日啓行仍

命遼東兵隨暉殺賊忠所領西官廳官軍一千人并東官廳頭目五百人各賞銀二兩布一疋鑑所領百二十人賞如之傳

旨令兵部分遣官屬撫安軍民時邊報亟甚所在驚潰諸謁

陵者還自昌平或傳虜已入白羊口皆策馬而

走老幼扶携相屬于道

八月

命左都御史彭澤提督東西兩路邊關署都督同知金輔都指揮陳洵充遊擊將軍率京營七千餘人防禦虜寇時猴兒李誘虜衆將南侵以僧法順者爲間諜守關卒獲之巡撫都御史臧鳳以聞下

廷臣議故有是

命

巡撫宣府都御史王純奏虜六萬餘入寇總

兵潘浩禦之於賈家灣敗還復整衆迎擊于

鷄鳴山殺傷亦畧相當但衆寡不敵殺兵隣

鎮慮緩不及事請下兵部議處且自劾求罷

不允于是兵部尚書王瓊議以純初自謂宣

府兵馬足以禦虜可不煩發兵及虜騎充斥

顧要成自衛而事敗又不敢明言請兵此非

臣等所能遙制其令太監張忠侍郎丁鳳都

督劉暉等督同純等相機戰守純浩俱仍戴

罪俟事寧勘處從之

左都御史彭澤奏頃

廷臣會議欲以臣總制邊關軍務都督許參克

總兵官臣不敢固辭及降

旨無總制字又不及總兵官并紀功給事中是

欲以戰守查督之責獨任之臣也昔河南四

川等處討賊俱臣任事又有科道紀功官臣

本文職不過欽奉

勅諭宣布